

Roti Socke

Text und Musik
Jacob Stüchelberger

The musical score is written in a single system with four staves. The first staff begins with a treble clef and a 3/4 time signature. The melody consists of quarter and eighth notes. The lyrics are written below the notes. The second staff starts at measure 9, the third at measure 17, and the fourth at measure 25. The piece ends with a double bar line.

Aer isch i dsLä-de-li y - ne grüessechFröi-lein het er gseit es
Ki-lo Rys wett i vom fy - ne und syt so guet wenn dirs heit es
Päär-li grau-i So-cke So-cke hei mer nümme het dsFröi-lein gseitdsletschte
wenns nech cha ver-lo-cke isch das ro-te Paar da wenn dirs weit

Roti Socke

1. Är isch i ds Lädeli yne
grüessech Fröilein, het er gseit,
es Kilo Rys wett i vom fyne
und syt so guet wenn dirs heit
es Päärli graui Socke,
Socke hei mer nümme, het ds Fröilein gseit,
ds letschte wenns nech cha verlocke
isch das rote Paar da wenn dirs weit
2. Sithär treit er kuen roti Socke
empört rüefe d'Lüt: Komunischt
und derzue het er fettigi Locke
e richtige Nonkonformischt
und si tüe als hätt er d'Pocke,
är schimpft, Bünzli-Bärner-Bourgeoisie
wäge myne rote Socke
chasch mi lynche i blybe derby!
3. Uf ds mal finde syni Kolege
dass öppis ändere müess
und si lö sech vo ihm la bewege
und si ändere d'Farb a de Füess
und si brüelen unverschrocke,
du Bünzli-Bärner-Bourgeoisie
was die stört si roti Socke
üsi Farbefuessphilosophie
4. Und immer meh Nonkonformischte
finde dass' ändere mues
und si wände sech gäg d'Konformischte
mit dr Aktion "Rote Fuess"
bald schimpft alles exemplarisch
gäg di Bünzli-Bärner-Bourgeoisie
und ganz Bärn findt solidarisch
dass e rote Fuess eifach mues sy
5. Vereint wände si sech gäg d'Masse
gäg dä Letscht wo no geng nüt Rots treit
und dä wott sech no hüt nid apasse
s'isch dä Bourgeois wo neuerdings schreit,
jitz tuesch du als hätt i d'Pocke
du Neo-Bärner-Bourgeoisie
wäge myne graue Socke
chasch mi lynche i blybe derby